

Powšitkowne WOZJEWJENJA

njedźelu, 5. oktobra 2025

Na naprašnik njezabyć

Prosmy wšitkich čitarjow Katolskeho Posoła, zo bychy hač do přichodneje njedźele, 12. oktobra, naprašnik k časopisej wupjelnili. We wudaću tydženja běše k tomu łopjeno zapołożene. Jeli trjebaće wjace tajkich formularowych łopjenow za dalše wosoby w swójbje, móžeće sej je kopěrować, abo tohorunja z internetoweje strony Katolskeho Posoła www.posol.de wučišćeć. Wotmołwy móžeće anonymnje redakciji na adresu Katolski Posoł, Póstowe naměsto / Postplatz 2, 02625 Budyšin / Bautzen pósłać abo na farje swojeje wosady do listoweho kašćika tyknyć. Na tele prašenja móžeće tež online pod www.posol.de wotmołwić, štož nam džěło při wuhódnoćenju wolóži. Prosmy wo to, zo byšće sej něhdže džesać mjeńšin chwile wzali. Čim wjace ludźi wotmołwi, čim lěpje so powšitkowne měnjenje wotbłyšćuje. Skónčnje móžemy tež waš časopis Katolski Posoł – dalokož so hodži – polěpšić. *redakcija*

Mandźelske seminary

Seminar k přihotej na sakrament mandźelstwa wotměje so wot pjatka do soboty, 28. do 29. nowembra, w Smochčanskim kubłanišću swjateho Bena. Přizjewjenja přijimuje Dekanatne dušepastyrstwo młodžiny we Worklecach online. Tam su tohorunja hižo přizjewjenja za klětušej terminaj samsneho seminara móžne. Wonej stej stajnje wot pjatka do soboty, 27. do 28. februara, kaž tež 27. do 28. nowembra, planowane. Link k tomu je pod www.posol.de podaty.

Přidatny termin za džěći 1. a 2. lětnika

Wulkeho zajima za zarjadowanje pod hesłom „Ja sym ja a ty sy ty – Jězus wšitkich lubuje!“ za šulerjow 1. a 2. lětnika dla poskićuje Worklečanske dekanatne dušepastyrstwo dalši termin. Zhromadny dzeń přewjedu tež sobotu, 8. nowembra, wot 9.00 do 15.00 hodź. Přizjewjenja přijimuja hač do pjatka, 10. oktobra. Link je pod www.posol.de wozjewjeny. Za wudawki dnja zběraja wot kóždneho wobdžělnika přinošk we wysokosći pjeć eurow.

Prěnjowoprawjenske džěći přeprošene

Wšitke džěći, kotrež so na přenje swjate woprawjenje přihotuja, su na zhromadny dzeń do Njebjelčic přeprošene. Tón budže srjedu, 19. nowembra, wot 9.00 do 15.00 hodź. Započatk je z Božej mšu w cyrkwi, na kotruž su tež starši wutrobnje přeprošeni. Zajimcy njech so hač do pjatka, 1. nowembra, pod www.posol.de přizjewja. Swójski přinošk na wobdžělnika wučinja pjeć eurow.

Nyšpor duchowneje hudźby

Dalši nyšpor w rjedže duchowneje hudźby, kiž je zdobom posledni w tymle cyrkwiskim lěće, budže tutu njedźelu, 5. oktobra, we 18.00 hodź. w Budyskej tachantskej cyrkwi. Dujerski kwartet „Bautz’ner Stadpfeifer“ jón wobrubu. Wšitcy zajimcy su wutrobnje přeprošeni.

Nazymski dzeń za swójby

Miłočanski Křesćansko-socialny kubłanski skutk z.t. přeprošuje wšitke swójby na nazymski a dožiwjenski dzeń, kotryž wotměje so srjedu, 8. oktobra, wot 13.00 do 17.00 hodź. na klóšterskej zahrodze w Pančicach-Kukowje. Mjez druhim móža sej wopytowarjo wšelaku nazymsku dekoraciju spaslić, hrajo so zabawjeć abo so wo hribach informować. Za wudawki dnja zběraja wot dorosćenych štyri eura, džěci hač do 16 lět płaća dwaj euraj.

Jako družka na putnikowanje do Roma

Družki ze serbskich wosadow, kotrež noša postawu swjateje Marije do Róžanta, su na zhromadnu putnisku jězbu z busom do Roma přeprošene. Putnikowanje wotměje so klětu w přnim tydženju zymskich prózdnin, a to wot njedźele do soboty, 8. do 14. februara. Wobdžělnikow wočakuja mjez druhim wopyt Pětroweje cyrkwe, Vatikanskich muzejow a katakombow, generalna awdienca z bamžom Lejom XIV. kaž tež Boža mša z Drježdžansko-Mišnjanskim biskopom Heinrichom Timmereversom. Sobu jěć smědža wšitcy, kiž su 14. žiwjenske lěto dokónčili. Přinošk na družku kaž tež hotowańcu wučinja 650,00 eurow. Biskopstwo jězbu tohorunja podpěruje. Přizjewjenja přijimaja hač do štwórtka, 30. oktobra, na Chróšćanskej farje.

Pytaja nawodu bydlenskeho wobłuka

Dom swjateje Ludmile w Chróšćicach poskića k 1. nowembrej njewobmjezowane džěłowe městno nawodnicy abo nawody bydlenskeho wobłuka. Tydženski džěłowy čas wučinja 30 do 35 hodźin. Nadrobniše informacije poda nawodnica Mónika Wencłowa, telefonowe čisło (03 57 96) 94 73 30.

Prapremjera w Radworskej „Meji“

„Won do swěta – Auf in die Welt“ rěka nowy dźiwadłowy kruch Budyskeho Němsko-Serbskeho ludoweho dźiwadła, kotryž sobotu, 18. oktobra, w 19.00 hodź. w Radworskim hosćencu „Meja“ prapremjernje předstaja. W nim zaběraja so z wupućowanjom Serbow z Delnjeje Łužicy do Awstralskeje. Hižo wot 17.00 hodź. budže móžnosć, na městnje wječerjeć. Za to měli sej zajimcy hač do najpozdzišo dwaj dnjej do předstajenja jědź wuzwolić a w dźiwadle skazać, telefonisce pod (0 35 91) 58 42 25 abo z mejlku na service@theater-bautzen.de. Link k dalšim městnam, hdžež kruch předstaja, je pod www.posol.de podaty.